

## Upravni odbor

Broj: 01-1-04-4771-2/24  
Sarajevo, 20. 6. 2024. godine

Na osnovu člana 17. Zakona o javnim nabavkama ("Službeni glasnik BiH" broj 39/14 i 59/22) i člana 17. stav (1) tačka g) Odluke o osnivanju Javne ustanove Institut za razvoj preduniverzitetskog obrazovanja Kantona Sarajevo ("Službene novine Kantona Sarajevo", broj: 37/21), a u vezi sa članom 2., 3. i 4. Pravilnika o javnim nabavkama Javne ustanove Institut za razvoj preduniverzitetskog obrazovanja Kantona Sarajevo broj: 985/23 od 09.02.2023. godine, na prijedlog Sektora za plan, analizu, pravna i opća pitanja JU Institut za razvoj preduniverzitetskog obrazovanja Kantona Sarajevo, Upravni odbor na 33. sjednici održanoj dana 20. 6. 2024. godine jednoglasno donosi

### **ODLUKU o izmjeni i dopuni Plana javnih nabavki Instituta za 2024. godinu**

#### **Član 1.**

Ovom odlukom se utvrđuje izmjena i dopuna Plana javnih nabavki JU Institut za razvoj preduniverzitetskog obrazovanja Kantona Sarajevo za 2024. godinu.

#### **Član 2.**

Sastavni dio ove Odluke je tabelarni prikaz izmjena i dopuna Plana nabavki za 2024. godinu JU Institut za razvoj preduniverzitetskog obrazovanja Kantona Sarajevo.

#### **Član 3.**

Izmjene i dopune Plana nabavki za 2024. godinu JU Institut za razvoj preduniverzitetskog obrazovanja Kantona Sarajevo obavezno sadrže podatke propisane članom 4. Pravilnika o javnim nabavkama Javne ustanove Institut za razvoj preduniverzitetskog obrazovanja Kantona Sarajevo.

#### **Član 4.**

Postupke javnih nabavki za koje se radi izmjena i dopuna Plana nabavki provodi Institut, a sredstva za plaćanje su obezbijedena u budžetu Ministarstva za odgoj i obrazovanje Kantona Sarajevo, koje će vršiti plaćanje svih troškova.

#### **Član 5.**

Za svaku pojedinačnu nabavku utvrđenu izmjenom i dopunom Plana javnih nabavki objavit će se Odluka o nabavci, u kojoj će biti objavljena procijenjena vrijednost nabavke.



### Član 6.

Ugovorni organ će na svojoj web stranici objaviti Izmjene i dopune Plana nabavki za 2024. godinu JU Institut za razvoj preduniverzitetskog obrazovanja Kantona Sarajevo u roku od 30 dana od dana usvajanja dopuna Plana

Ugovorni organ objavljuje Plan nabavki i sve izmjene i dopune Plana nabavki na portalu javnih nabavki.

### Član 7.

Odluka stupa na snagu danom donošenja.

### Образложење

Ministarstvo za odgoj i obrazovanje Kantona Sarajevo je svojim aktom broj: 11-07/03-34-5905-3/24 od 14.06.2024. godine dostavilo Institutu Informaciju kojom zadužuje JU Institut za razvoj preduniverzitetskog obrazovanja Kantona Sarajevo da izvrši nabavku dodatne opreme neophodne za realizaciju aktivnosti "Marš mira Nežuk - Memorijalni centar potočari za srednjoškolce Kantona Sarajevo", te su sredstva za tu namjenu planirana u Budžetu Kantona Sarajevo za 2024. godinu razdio Ministarstvo za odgoj i obrazovanje na poziciji 614300 LAN078Z – Njegovanje kulture sjećanja.

Na osnovu Informacije Ministarstva za odgoj i obrazovanje Kantona Sarajevo, Sektor za vananstavne i posebne programe u Institutu obratio se direktorici Instituta Zahtjevom za nabavku neophodne opreme broj: 01-3-11-4700/24 od 14.06.2024. godine u ukupnom iznosu od 14.600,00 KM.

Na osnovu navedenog Zahtjeva, a u skladu sa Pravilnikom o javnim nabavkama Javne ustanove Institut za razvoj preduniverzitetskog obrazovanja Kantona Sarajevo, prijedlog izmjene i dopune plana nabavki pripremio je Sektor za plan, analizu, pravna i opća pitanja, uz pribavljenu saglasnost pomoćnika direktora za plan, analizu, pravna i opća pitanja, te direktorice Instituta, te je dostavljen Upravnom odboru na saglasnost i usvajanje.

Na osnovu navedenog, donesena je Odluka kao u dispozitivu.

**Predsjednik Upravnog odbora**

Refik Sećibović

### Dostavljeno:

1. Uz Plan nabavki za 2024. godinu;
2. Oglasna ploča;
3. web stranica Instituta;
4. Sektoru za plan, analizu, pravna i opća pitanja Instituta;
5. a/a.

### IZMJENE I DOPUNE PLANA JAVNIH NABAVKI ZA 2024.

U planu javnih nabavki za 2024 godinu, u tabeli pod nazivom "ROBE" mijenjaju se sljedeći redni brojevi 16. i 18. i glase i dodaje se redni broj 19. dodaje se redni broj 19. i glasi:

#### ROBE

R/b	PREDMET NABAVKE	ŠIFRA JRJN	VRSTA POSTUPKA	PODJELA NA LOTOVE	VRSTA UGOVORA	DA LI ĆE BITI ZAKLJUČEN UGOVOR O JAVNOJ NABAVCI ILI OKVIRNI SPORAZUMI	PERIOD TRAJANJA UGOVORA O JN ILI OKVIRNOG SPORAZUMA	PROCJENJENA VRIJEDNOST NABAVKE	OKVIRNI DATUM POKRETNJA POSTUPKA NABAVKE	IZVORI FINANSIRANJA	DODATNE NAPOMENE
16.	Nabavka vreća za spavanje	37414100-4	direktni	NE	robe	RAČUN/UGOVO R	do 31.07.2024.	4.000,00	V, VI/2024	sredstva Ministarstva za odgoj i obrazovanje	614300 LAN078Z- "Njegovanje kulture sjećanja"
18.	Nabavka paketa sa hranom	15897300-5	direktni	NE	robe	RAČUN/UGOVO R	do 31.07.2024.	3.500,00	IV, VI/2024	budžetska sredstva i sredstva Ministarstva za odgoj i obrazovanje	6134 614300 LAN078Z- "Njegovanje kulture sjećanja"
19.	Nabavka ruksaka	18931100-5	direktni	NE	robe	UGOVOR	do 31.07.2024.	6.000,00	VI/2024	sredstva Ministarstva za odgoj i obrazovanje	614300 LAN078Z- "Njegovanje kulture sjećanja"

#### Dostavljeno:

1. Uz zapisnik Upravnog odbora;
2. Oglasna ploča;
3. Sektoru za plan, analizu, pravna i opća pitanja;
4. web stranica Instituta;
5. a/a.

